

无能子卷下

答通問第一

无能子貧其昆弟之子且寒而飢嗟吟者相從焉一日兄之子通謂无能子曰嗟寒吟飢有年矣夕則多夢寐仕而豐乎車馬金帛夢則樂寤則憂何可獲置其易哉无能子曰晝憂夕樂均矣何必易哉通曰夕樂夢爾无能子曰夫夢之居屋室乘車馬被衣服進飲食悅妻子憎仇讎憂樂喜怒與夫寤而所欲所有為者有所異耶曰無所異無所異則安知寐而為之者夢耶寤而為之者夢耶且人生百歲其間晝夕相半半憂半樂又何怨乎夫寤兮虛而專乎常者王侯不能為之貴厮養不能為之賤玉帛子女不能為之富齋羹繼緼不能為之貧則憂樂無所容乎其間矣動乎情而屬乎形者感物而已矣物者所謂富貴之具也形與物朽敗之本也情感之而憂樂之無常也以無常之情繫朽敗之本寤猶夢也百年猶一夕也汝能安乎虛而專乎常則不知所以飢寒富貴矣動乎情而屬乎形

甚

則晝夕寤寐俱夢矣汝其思之

答華陽子問第二

无能子形骸之友華陽子為其所知迫以仕華陽子疑問无能子曰吾將學無心久矣仕則違心矣不仕則念所知如何其可也无能子曰無心不可學無心非仕不仕心疑念深所謂見警者臨窅而致之前也夫無為者無所不為也有為者有所不為也故至實合乎知常至公近乎無為以其本無欲而無私也欲於中漁樵耕牧有心也不欲於中帝車俠服無心也故聖人宜處則處宜行則行理安於獨善則許由善卷不取為匹夫勢便於兼濟則堯舜不辭為天子其為無心一也堯舜在位不以天子之貴貴乎身是以垂衣裳而天下治及朱均不肖則以之授舜舜授禹捨其子如疣贅去天下如涕唾是以歷萬祀而天下思周公文王之武王之弟天下熟其德矣以成王在其勢不便於己故不為天子以成王切其勢宜於居攝故不敢辭是以全周之祀治周之民纘繩成功其德不虧此皆

不欲於中而無所不為也子能達此難聞難走狗於屠肆之中舉旗斬將於兵陣之間可矣況仕乎

答愚中子問第三

无能子心友愚中子病心析藥於无能子无能子曰病何曰痛曰痛在何曰在心曰心在何愚中子告病已間矣无能子曰此人可謂得天之真而神光不昧者也

魚說第四

河有龍門隸古晉地禹所鑿也懸水數十仞淙其聲雷然一舍之間河之巨魚春則連羣集其下力而上游越其門者則化為龍於是擎雲拽雨焉河壩鱗鱗之相謂曰彼亦魚也而超變如此豈與我撥撥然壩而游哉戢然穴而藏哉其一曰惑矣汝之思也夫天地之內物之類形者千萬焉形之巨細分之大小相副焉隨其形足其分各適矣彼超變者河之時波則與之驚澄則與之平意順力渾沈浮安定及其思變也連羣而如游瀑而怒意挽力因乃雲乃雨夫雲雨來隨蒸潤之氣

自相感爾於彼何有哉彼若有心於雲雨之間有時而墮矣無心自感又何功乎角其上是其下與吾鬻鬻一也吾鬻鬻而游彼角足而騰未嘗不順也豈以吾鬻鬻之無爭穴藏之無虞人不知而害不加之樂易其角足雲雨之勞乎

鳩說第五

鳩與蛇相遇鳩前而啄之蛇謂曰世人皆毒子矣毒者惡名也子所以有惡名者以食我也子不食我則無毒不毒則惡名亡矣鳩笑曰汝豈不毒於世人哉指我為毒是欺也夫汝毒於世人者有心嚙人也吾怨汝之嚙人所以食汝示刑也世人審吾之能刑汝故畜吾以防汝又審汝之毒深吾毛羽肢體故用殺人吾之毒汝之毒也吾疾惡而蒙其名爾然殺人者人也猶人持兵而殺人也兵罪乎人罪乎則非吾之毒也明矣世人所以畜吾而不畜汝又明矣吾無心毒人而嫉惡得名為人所用吾所為能後其身也復身而甘惡名非惡名矣汝以有心之毒盱睢於草莽之

關伺人以自快今遇我天也而欲誑辯苟免耶蛇不能答鳩食之夫昆蟲不可以有心況人乎

答魯問第六

无能子從父之弟魯求學於无能子无能子曰何學曰學行學文无能子曰吾不知所以行所以文然前志中所謂聖人者吾當偶觀之其言曰行行也行其心之所善也文儀也飾其所行之善也喪者本乎哀哀行也齊練之服祭祀之具文也禮者本乎敬敬行也外降揖讓文也樂者本乎和和行也陶匏絲竹文也文出於行行出於心出於自然不自然則心生心生則行薄行薄則文縟文縟則偽偽則亂亂則聖人所以不能教也夫總其根者不求其末專其源者不尋其流汝能證以無心還其自然前無聖人上無玄天行與文在乎無學之中矣

自心曰心可觀乎曰不可觀无能子曰不可觀者憂悲之所生也求憂悲之所生且不可觀憂悲何寄哉憂悲無寄則使汝遂其未得還其已往又將誰付耶今汝隨而悲憂之是欲繫風擒影也汝無憂悲之所寄而有味酒之陶然不能自得反浸漬於麴蘗豈醜器乎

紀見第八

秦市幻人有能烈鑊膏而溺其手足者烈鑊不能壞而幻人笑容焉无能子召而問之幻人曰受術於師術能却火之熱然而訣曰觀鑊之烈其心先忘其身手足枯枿也既忘枯枿手足然後術從之博則術敗此吾所以得之无能子顧謂其徒曰小子志之無心於身幻人可以寒烈鑊況上德乎

无能子寓於秦村景氏民舍一夕梟鳴其樹景氏色憂將彈之无能子止之景氏曰梟凶鳥也人將家凶則來鳴殺之則庶幾無凶元能子曰人之家因其鳴而凶梟罪也梟可凶人殺之亦不能弭其已凶將凶而鳴非梟忠而先示於人耶凶不自梟殺之害忠也矧自

謂人者與夫毛羣羽族俱生於天地無私之氣橫目方足虛飛實走有所異者偶隨氣之清濁厚薄自然而形也非宰於愛憎者也誰令臬司其凶耶證臬之凶誰所自耶天地言之耶臬自言之耶天地不言臬自不言何為必其凶耶證臬之凶不知所自則羽儀五色謂之鳳者未必祥臬未必凶景氏止家亦不凶

樊氏之族有美男子年三十或被髮疾走或終日端居不言言則以羊為馬以山為水凡名一物多失其常名其家及鄉人狂之而不之錄焉无能子亦狂之或一日過於藁醫間就而歎曰壯男子也貌復豐碩惜哉病如是狂者徐曰吾無病无能子愕然曰冠帶不守起居無常失萬物之名忘家鄉之禮此狂也何謂無病乎狂者曰被冠帶節起居愛家人敬鄉里豈我自然哉蓋昔有妄作者文之以為禮使人習之至于今而薄醪固醜耐也知之而反之者則反以為不知又名之曰狂且萬物之名亦豈自然哉清而上者曰天黃

而下者曰地燭晝者曰日燭夜者曰月以至風雲雨露煙霧霜雪以至山嶽江海草木鳥獸以至華夏夷狄帝王公侯以至士農工商卑隸臧獲以至是非善惡邪正榮辱皆妄作者疆名之也人久習之不見其疆名之初故訟之而不敢移焉昔妄作者或謂清上者曰地黃下者曰天燭晝者月燭夜者日今亦訟之矣疆名自人也我亦人也彼人何以疆名我人胡為不可哉則冠帶起居吾得以隨意取捨萬狀之物吾得以隨意自名狂不狂吾且不自知彼不知者狂之亦宜矣

固本第十一

五兵者殺人者也羅網者獲鳥獸蟲魚者也聖人造之然後人能相殺而又能取鳥獸魚蟲鳥使之知可殺知可取然後制殺人之罪設山澤之禁焉及其表世人不能保父子兄弟鳥獸魚蟲不暇育麋鹿鯢鮪法令滋彰而不可禁五兵羅網教之也造之者復出其能自已乎棺擗者清死甚矣然其工之心非樂於清彼

也迫於利欲其日售則幸死幸死非怨於彼也迫於利也醫者樂病幸其必瘳非樂於救彼而又德彼也迫於利也棺擗與醫皆有濟救幸死幸生之心非有憎愛各諧其所欲爾故無為之仁天下也無棺擗與醫之利在其濟死瘳病之間而已

角觸蹄踏蛇首蝎尾皆用其所長也審其所用故得防其所用而制之是以所用長者不如無用食赤之蟲絲其腸者曰蠶以絲自舍曰蠶蠶伏而化於是羽而蛾焉其粟也宜如此猶獸之胎鳥之卵俱非我由也智者知其絲可縷縷可織於是烹而縷之機杼以織之幅而縷之縷而衣之夫蠶自蠶將為蛾也非為乎人謀其衣而甘乎烹也所以烹者絲所累爾烹之者又非嫉其蠶也利所繫爾夫獸之胎鳥之卵蠶之繭俱其所稟也蠶所稟獨手絲絲必烹似乎不幸也不幸似乎分也故無為者無幸無不幸何分乎有為者不必福惡不必禍或制於分焉故聖人貴乎無為堙蟻井蛙示以虎豹之山鯨鯢



之海必疑熟其所見也嗜欲世務之人語以無為之理必惑宿於所習也於是父不能傳其子兄不能傳其弟沈迷嗜欲以至於死還其元而無所生者舉世無一人焉嗟乎無為在我也嗜欲在我也無為則靜嗜欲則作靜則樂作則憂常人惑而終不可使之達者所習癥之也明者背習焉

无能子卷下

玄真子外篇卷上中下同卷 甚八

碧虛

唐玄真子張志和撰

碧虛冥茫飄輪幹手乾漱盤浮乎坤紅明環於天衢外并為炎降斗為寒由是四時旋而萬物遷斯造化之亞矣然非造化之元哉无涯者辯伯也涯之言曰黃郊之帝曰祇甲紫微之帝曰神尊碧虛之帝曰靈荒祇甲王於地山河草木屬焉神尊王於天日月星漢屬焉靈荒王於空風雷雲雨屬焉碧虛和平二帝有方春之會俄而祇甲上騰神尊下降遇于靈荒之野靈荒之帝虛位却迎傾國所有積肉成霞散酒成雨雷走雷奔風歌雲舞累月為中道主上下無怨二帝欣然愧靈荒之厚德令碧虛之不安爭讓國以延靈荒之帝神尊曰朕有天祇甲曰朕有地靈荒恠天地之名問之曰朕之仰觀不異碧虛朕之俯察不異碧虛碧虛之中其又奚物帝言天地厥狀若何祇甲曰朕之地體大質厚質生元元中高外垂其勢坤層然如壇輟物尊圍八

極海環九山骨巖石毛草木肉土而脉泉汗露而氣煙江河川瀆亂奔流入蟲鳥獸紛往還轉其行乾穹然如帳情物尊五星交列宿紫邊層輪日月中文帶河漢絕雰稜雲霞列仙天宮殿願帝之上而居焉靈荒未之信曰天如帳胡縣乎其地如壇厥下手何安神尊曰天之帳非上縣飄輪下載常左旋三光隨之以西遷祇甲曰地之壇有淋盤凝浮其上所以安靈荒曰飄輪幹靈生淋盤奚物盛願聞之祇甲曰飄輪徧手下淋盤所以停帝何疑靈荒曰噫天地之形造化信然實如所論固當息焉朕之空茫唐濛同無不通無內無外無西無東曠濛濛蒼蒼青冥含日月之光震雷霆之聲挂虹蜺之色飛龍鷹之形朕坐而游之財而泗之泛然飄飄皆可停豁乎包乎毋靡乎堅乎壽非春夏之能生非歲年之能朽先天地不見其初後天地不知其久若然者安能弃朕之長無寄君之暫有哉於是二帝謝靈荒之言退還故府祇甲降黃郊神尊外紫微數月不泰然天地為之閉